



DELEGACIÓN PROVINCIAL PONTEVEDRA
 Consellería de Xustiza,
 XUNTA DE GALICIA Interior e Administración Local

Data: 30 DEC. 2004

Nº Rexistro: 8463

SAIDA

Examinado expediente sobre modificación dos Estatutos da Entidade denominada ASOCIACIÓN DE NAIS E PAIS DE ALUMNOS DO COLEXIO QUIÑONES DE LEON inscrita co nº 1980/000837-1 (PO) do Rexistro de Asociacións e tendo en conta os seguintes

FEITOS

Que a Asemblea Xeral Extraordinaria da Entidade, celebrada o día 23-4-2004, acordou a modificación dos seus Estatutos.

FUNDAMENTOS DE DEREITO

Primeiro: Que esta Delegación Provincial é competente para resolver sobre a inscrición solicitada, de conformidade coa Lei orgánica 1/2002, do 22 de marzo, reguladora do Dereito de Asociación en relación co Real Decreto 1639/1996, do 5 de xullo, sobre traspaso de funcións e servicios á Comunidade Autónoma de Galicia en materia de Asociacións e Orde do 26 de setembro de 1996.

Segundo: Que na adopción do acordo de modificación cumpríuse o disposto nos Estatutos Sociais, que o mesmo non altera a natureza xurídica da Entidade e que na documentación presentada non se aprecia que concorran os supostos contemplados nos números 2 e 5 do artigo 22 da Constitución.

Terceiro: Vistos os preceptos legais citados e a Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común.

RESOLVO

Inscribi-la modificación dos Estatutos da Entidade da que se trata e visa-los novos, ós sós efectos de publicidade previstos no artigo 22 da Constitución.

Contra a presente resolución poderá interpoñerse recurso de alzada ante o Excmo. Sr. Conselleiro de Xustiza, Interior e Administración Local no prazo de un mes contado a partir do día seguinte ó da notificación desta resolución; ou calquer outro recurso que estime pertinente o seu dereito.

Pontevedra, 30 de decembro de 2004

O/A DELEGADO/A PROVINCIAL



[Handwritten signature]

Asdo. Soñeiro Lorenzo Santos

ESTATUTOS DA ASOCIACIÓN DE NAIS E PAIS DE ALUMNOS DO COLEXIO QUIÑONES DE LEON

CAPÍTULO I DA ASOCIACIÓN EN XERAL

Artigo 1º

1.-Procédese a adapta-los estatutos da asociación denominada "ASOCIACIÓN DE NAIS E PAIS DE ALUMNOS DO COLEXIO QUIÑONES DE LEON", inscrito no Rexistro Provincial de Pontevedra co nº 837 de asociacións sen ánimo de lucro educativa e CIF-G36727063.

2.-A asociación rexerese polos devanditos estatutos, pola Lei orgánica 1/2002, do 22 de marzo, reguladora do dereito de asociacións e polademais lexislación existente en materia de asociacións que lle sexa aplicable.

Artigo 2º.-

O domicilio principal e permanente da asociación radicará na localidade de Vigo, Travesía de Vigo nº36-38, C.P. 36206, teléfono 986278089.

Poderanse utilizar outros locais asociativos adicionais noutras cidades, mediante acordo da Xunta Directiva, que terá atribucións para cambiar, tanto o domicilio como os locais, dando conta do seu acordo ó organismo encargado do Rexistro de Asociacións.

Artigo 3º.-

A asociación, en funcións dos seus fins e do emprazamento do seu domicilio social, exercerá fundamentalmente as súas actividades no ámbito territorial do Concello de Vigo.

Artigo 4º.


1.-A asociación constitúese por tempo indefnido e só se disolverá, conforme a estes estatutos, pola vontade dos asociados expresada en Asemblea Xeral Extraordinaria ou polas causas previstas na lexislación vixente.

2.-A asociación rexerese segundo os principios democráticos contidos no marco da Constitución e o resto do ordenamento xurídico.

Artigo 5º.

1.-Son fins principais da asociación:

- Colaborar co Colexio na educación dos alumnos, pra acadar unha millor formación dos mesmos, en todos os órdenes.
- Velar po los dereitos e deberes dos pais no concernente á enseñanza, educación e formación dos seus fillos.
- Orientar ós asociados na súa misión educadora, facilitánddles os medios para o seu millor cumprimento, a base de conferencias, bibliotecas, etc.
- Suxerir ó Colexio, aquelas actividades que podan redundar no beneficio das tarefas específicas do mesmo, sin coartar, en ningún momento, a súa liberdade na línea de acción educativa.
- Colaborar co Colexio naqueles casos nos que, a xucio da Xunta Directiva, por



circunstancias graves de tipo económico (falecemento dos pais, enfermidade prolongada, etc.) impidan a continuidade do alumno no Colexio.

Para o cumprimento destes fins, a Asociación considerase, con respecto ó Colexio, como órgano consultivo e asesor, non podendo interferir no seu réximen interno.

2.-Pra levar a cabo os seus fins, poderá a asociación organiza-las seguintes actividades:

- a.-Actividades festivas tradicionais autonómicas, estatales e do Colexio.
- b.-Actividades culturais.
- c.-Actividades deportivas.
- d.-Actividades educativas.

Os beneficios que se obteñan por caquera concepto destinaranse exclusivamente ó cumprimento destes fins, sen que se poidan repartir entre os asociados nin outras persoas físicas ou xurídicas con interese lucrativo.

CAPÍTULO II DOS ASOCIADOS

Artigo 6°.

1- Poderán ser integrantes da asociación tódas aquelas persoas físicas que sexan pais, nais ou titores de polo menos un alumno do Colexio Quiñones de León, con plena capacidade de obrar e as persoas xurídicas tralo acordo do seu órgano competente, que non teñan débedas pendentes coa asociación.

2.- Poderán ser integrantes da asociación na súa sección infantil, si se constitue, os menores non emancipados de máis de 14 anos co consentimento, documentalmente acreditado, das persoas que deban suplir a súa capacidade.

3.-Os acordos de admisión de asociados e asociadas tomaraos a Xunta Directiva, unha vez recibida a petición por escrito da persoa que desexa ser admitida.

Artigo 7°.-

Serán socios Activos os pais, ou representantes legais dos alumnos que manifiesten a súa vontade de pertencer á Asociación. Terán voz y voto.

Serán socios Colaboradores aqueles que, dun xeito especial, contribúan ó sosteñemento e desenrolo da Asociación. Inclúranse nesta categoría, os ex-alumnos e pais dos mesmos que o soliciten á Xunta Directiva. Terán voz sin voto.

Serán socios honorarios aqueles a os que se lles conceda tal distinción, en virtud dos méritos contraídos en beneficio da Asociación ou en función da súa relevante personalidade. O seu nomeamento farase pola Xunta Directiva ou mediante proposta, razoada, dun mínimo do cinco por cento dos socios activos. Terán voz sin voto.

Os socios Colaboradores e Honorarios, serán designados, por acordo da Xunta Directiva e non poderán ser elexidos membros da mesma.

Serán socios Infantís, aquelas persoas menores de 18 anos que participen na asociación, que estarán integradas na sección infantil, no seu caso.

Artigo 8°.

1.-A condición de asociado pérdese:

- a) Por vontade propia.



- b) Por falta de pago das cotas establecidas regulamentariamente.
- c) Por incumprimento das súas obrigas ou a realización de accións que prexudiquen gravemente ós intereses da Asociación, previo expediente disciplinario, con audiencia do interesado.
- d) Por falecemento da persoa física ou extinción da persoa xurídica.

2.-A expulsión de asociados e asodadas nos supostos dos apartados b) e c) do parágrafo anterior, será acordada pola Xunta Directiva, logo da audiencia do interesado. O acordo de expulsión deberá ser ratificado pola Asemblea Xeral Extraordinaria e contra a súa resolución poderase recorrerante a xurisdición ordinaria.

Artigo 9º.-

Os asociados e asociadas teñen os seguintes dereitos:

1. Participar nas actividades da asociación e nos órganos de goberno e representación, exerce-lo dereito de voto, así como asistir á Asemblea xeral, de acordos estatutos.
2. Ser informado da composición dos órganos de goberno e representación da asociación, do seu estado de contas e do desenvolvemento da súa actividade.
3. Ser oído con carácter previo á adopción de medidas disciplinarias contra el e ser informado dos feitos que dean lugar ás ditas medidas, debendo motivarse o acordo que, no seu caso, impoña a sanción.
4. Impugna-los acordos dos órganos da asociación que estime contrarios á lei ou ós estatutos.

Os asociados e asociadas honorarios e infantís non intervirán na dirección da asociación nin nos órganos de representación dela, pero están facultados para asistir ás asembleas xerais con voz, pero sen voto.

Artigo 10º.-

Son obrigas dos asociados e asociadas:

1. Comparti-las finalidades da asociación e colaborar para a súa consecución.
2. Paga-la cotas que se establezan.
3. Desempeña-los cargos para os que foron elixidos.
4. Acatar e cumprí-los acordos validamente adoptados polos órganos de goberno e representación da asociación.
5. Acata-lo contido dos estatutos.
6. Ter unha boa conducta individual e cívica.
7. Asistir á Asemblea Xeral, de acordo cos estatutos.

Artículo 11º.-

Os dereitos e obrigas corresponden, por igual, ó pai e a nai, que procurarán asistir conxuntamente os actos da Asociación. Uns e outros terán voz nas deliberacions, pero só admitirase un voto por matrimonio.

CAPITULO III DOS ÓRGANOS DA ASOCIACIÓN

Artigo 12º.-

A dirección e administración da asociación serán exercidas polo Presidente, a Xunta Directiva e a Asemblea Xeral.



Artigo 13º.

1.- O presidente da asociación será designado pola Asemblea Xeral entre os asociados e o seu mandato durará 4 anos. Será asistido nas súas funcións por un vicepresidente, que o substituirá nos casos de vacante, ausencia ou enfermidade.

2.- O presidente terá as seguintes atribucións:

- a) Representa-la asociación diante de calquera organismo público ou privado.
- b) Convocar e presidi-las sesións que celebre a Xunta Directiva; presidirlas sesións da Asemblea Xeral; dirixi-las deliberacións dunha e outra, decidindo con voto de calidade, en caso de empate.
- c) Executa-los acordos adoptados pola Xunta Directiva e a Asemblea Xeral.
- d) Ordena-los pagamentos acordados validamente.
- e) Asina-las actas, certificados, pagos e outros documentos da asociación xunto co secretario ou membro da Xunta Directiva a quen lle corresponda a elaboración do documento de que se trate.
- f) Manter co a Dirección do Colexio os contactos necesarios e as relacións convintes, en orden á consecución dos fins asociativos, representando a Asociación nas reunións de Profesores do Colexio, tendo voz nas mesmas, pero sin voto.

Artigo 14º.

1.-A Xunta Directiva estará formada polo presidente da asociación, un vicepresidente, un secretario, un tesoureiro e un vocal por ciclo escolar, poderán existir mais vocais (de cultura, de deportes, etc.) si se precisara.

2.-Os cargos que compoñen a Xunta Directiva serán desempeñados de forma gratuíta, sen prexuízo do dereito a ser reembolsados dos gastos debidamente xustificadas en que poidan incurrir por actuacións relacionadas coa asociación.

As persoas elixidas para estes cargos deberán carecer de interese económico nos resultados da actividade levada a cabo pola asociación.

3.-A Asemblea Xeral será a competente para elixir os cargos da Xunta Directiva. A súa duración será por un período de 4. anos, aínda que poden ser obxecto de reelección indefinidamente.

4.-Os cargos cesarán na súa función por:


- a) falecemento da persoa física ou extinción da persoa xurídica.
- b) renuncia voluntaria.
- c) transcurso do prazo para o que foron elixidos.
- d) acordo de cesamento de toda a Xunta Directiva adoptado por 3/4 dos asociados reunidos en Asemblea Xeral Extraordinaria convocada para tal efecto.

A renuncia e o transcurso do prazo non dan lugar ó cese automático, senón que se deberá facer un efectivo traspaso de poderes con entrega de documentación e posta ó día do sucesor.

As vacantes que se puideran producir durante o mandato de calquera dos membros da Xunta Directiva, serán cubertas provisoriamente entre os ditos membros ata a elección definitiva pola Asemblea Xeral. En calquera caso, a Xunta Directiva debe estar integrada como mínimo por 3 persoas, que exercerán as funcións de presidente, secretario e tesoureiro.

Artículo 15º.-

Será obrigatoria a asistencia ás sesións da Xunta Directiva e, en caso de forzada incomparecencia xustificarse a mesma mediante escrito dirixido ó Presidente. A



ausencia non xustificada a tres sesións consecutivas, interpretarase como renuncia ó cargo.

Artigo 16º.-

A Xunta Directiva terá as seguintes atribucións:

1. Programar e dirixir as actividades asociativas.
2. Leva-la xestión administrativa e económica da asociación.
3. Someter á aprobación da Asemblea Xeral o orzamento anual de ingresos e gastos, así como o estado de contas do ano anterior.
4. Convocar e fixa-la data da Asemblea Xeral.
5. Propoñer á Asemblea Xeral a fixación de cotas ordinarias e extraordinarias para os asociados.
6. Designa-las comisións de traballo ou seccións que se estimen oportunas para o bo funcionamento da asociación.
7. Ditar normas interiores de organización e exercer cantas funcións non estean expresamente asignadas á Asemblea Xeral.
8. Resolver sobre as solicitudes de ingreso de novos asociados.
9. Propoñer-lo plan de actividades da asociación á Asemblea Xeral para a súa aprobación, impulsando e dirixindo as súas tarefas.
10. Resolver los procedementos disciplinarios que se instrúan.
11. Aquelas que non veñan atribuídas expresamente á outro órgano da asociación.

Artigo 17º.

- 1.- A Xunta Directiva será convocada polo presidente, a iniciativa propia ou a petición da metade máis un dos seus compoñentes.
- 2.- Para que os acordos da Xunta Directiva sexan válidos, deberán ser adoptados pola maioría de votos dos asistentes, sendo necesaria a concorrencia, polo menos, da metade máis un dos seus membros e, en todo caso, do presidente ou vicepresidente e o secretario ou persoa que o substitúa.
O secretario ou, no seu defecto, o vocal que o substitúa, levantará acta das sesións, que se transcribirá ó libro de actas.

Artigo 18º.-


Os membros da Xunta Directiva presidirán as comisións que a propia Xunta acorde constituír, co fin de delegar nelas a preparación de determinados actos ou actividades, ou de acadar delas as informacións necesarias. Formarán parte das ditas comisións o número de asociados que acorde a Xunta Directiva, a proposta dos seus respectivos presidentes.

Artigo 19º.-

A Asemblea Xeral de asociados e asociadas é o órgano de expresión da vontade da asociación e estará formada por tódolos integrantes da mesma. O presidente e o secretario da asemblea serán tamén o presidente e secretario da Xunta Directiva.

Artigo 20º.-

A Asemblea Xeral reunirse con carácter ordinario como mínimo unha vez ó ano, e con carácter extraordinario cantas veces o acorde a Xunta Directiva, ou o soliciten dez por cento dos socios. Neste último caso realizarase por medio de escrito dirixido ó



presidente, autorizado coas firmas dos solicitantes, no que se expoña o motivo da convocatoria e a orde do día.

Artigo 21°.-

A Asemblea Xeral Ordinaria reunirse necesariamente nos meses de Setembro ou Outubro Tanto as Asembleas Ordinarias como as Extraordinarias serán convocadas con 15 días de antelación polo/a presidente/a da Xunta Directiva.

A notificación farase nos locais da asociación para as asembleas ordinarias, e no domicilio dos asociados para as asembleas extraordinarias.

Artigo 22°.-

Serán competencias da Asemblea Xeral Ordinaria:

1. Aproba-lo plan de actividades.
2. Examinar e aproba-las contas e balances do exercicio anterior.
3. Aproba-los presupostos de ingresos e gastos para cada exercicio.
4. Exame e aprobación das cotas.

Artigo 23 °.-

Serán competencias da Asemblea Xeral Extraordinaria:

1. Modifica-los estatutos da asociación.
2. Elixir e cesa-los membros integrantes da Xunta Directiva.
3. Aproba-la federación con outras asociacións.
4. Autoriza-lo alleamento, gravame ou hipoteca de bens sociais.
5. Acorda-la disolución da asociación.
6. Designa-los/as liquidadores/as.
7. Ratifica-la expulsión de asociados e asociadas a proposta da Xunta Directiva
8. Solicita-la declaración de utilidade pública da asociación.
9. Aproba-lo regulamento de réxime interno da asociación.
10. As que sendo de competencia da asemblea ordinaria, por razóns de urxencia ou necesidade, non poidan espera-la súa convocatoria, sen grave prexuízo para a asociación.
11. Todas as competencias non conferidas expresamente á Asemblea Xeral Ordinaria ou á Xunta Directiva.

Artigo 24°.-

A Asemblea Xeral quedará validamente constituída sempre que concorran a metade máis un dos asociados na primeira convocatoria ou transcorrida media hora en segunda convocatoria, con calquera número de asistentes pero, en todo caso, coa presenza do presidente ou vicepresidente e o secretario ou persoa que o substitúa.

Artigo 25°.-

Os acordos adoptados deberán selo polo voto afirmativo da maioría simple dos asistentes ou representados, excepto os relativos os apartados 1 ó 7 do artigo 21, que requirirán maioría de dous terzos. A continuación levaranse os acordos ó libro de actas e asinará o/a presidente, o/a secretario/a da asemblea. A acta deberá ser lida na seguinte sesión celebrada pola Asemblea Xeral e aprobada por maioría dos presentes.



Artigo 26°.-

Os acordos adoptados conforme os preceptos anteriores obrigarán a tódolos/as asociados/as, incluso ós/ás non asistentes.

As sesións abranse cando así o determine o presidente. Seguidamente se procederá por parte do secretario á lectura da acta da Asemblea anterior que deberá ser aprobada.

Posteriormente o secretario procederá a presentar a orde do día. Cada punto será informado polo membro da Xunta Directiva que lle corresponda, procedéndose ó debate e a aprobación dos correspondentes acordos nos termos contidos nestes estatutos, segundo a materia de que se trate.

Artigo 27°.-

Os acordos que vaian contra estes estatutos ou infrinxan os fins da asociación poderán ser recorridos en reposición diante da Asemblea Xeral. A partir da resolución do recurso de reposición, quedará expedita a vía para recorrer perante a xurisdición ordinaria.

Artigo 28°.-

1. O secretario recibirá e tramitará as solicitudes de ingreso, levará o ficheiro e o libro rexistro de asociados e terá ó seu cargo a dirección dos traballos administrativos da entidade. Correspóndelle así mesmo notificar as convocatorias e custodiar as actas e expedir certificacións destas co visto e prace do presidente. O secretario tamén levará o inventario dos bens da asociación nun libro establecido para este efecto.

2. Nos casos de ausencia, vacante ou enfermidade do secretario, o presidente designará entre os vocais a un que desenvolva esta función.

Artigo 29°.-

1. O tesoureiro recadará e custodiará os fondos pertencentes á asociación, dará cumprimento ás ordes de pagamento que expida o presidente, levará a contabilidade da asociación, tomará razón e levará conta dos ingresos e dos gastos asociativos, elaborará o borrador de orzamentos da asociación así como as contas de resultados e balances.

2. O tesoureiro ten a obriga de proceder ó peche do exercicio orzamentario antes do 1 de Setembro, co fin de que as contas estean a disposición dos membros da asociación nos quince días anteriores á celebración da Asemblea Ordinaria.

Artigo 30°.-

Os vocais terán as seguintes atribucións:

1. Realizar programas e propostas na súa área de actuación.
2. Desempeñar os traballos que lle sexan encomendados pola Xunta Directiva.
3. Manter un estreito contacto cos titores, coordinadores, delegados e pais/nais dos alumnos dos seus respectivos cursos, informando da súa xestión á Xunta Directiva.



CAPÍTULO IV RÉXIME ECONÓMICO

Artigo 31°.-

A asociación dispón dun patrimonio fundacional de 0 (cero) euros. O patrimonio social que se constituía ano tras ano figurará nas contas da Asociación para a realización dos fins sociais.

O peche do exercicio económico coincidirá co do ano escolar establecido pola Administración Educativa para cada ano académico.

Artigo 32°.-

A asociación funcionará en réxime de presuposto anual, con partidas diferenciadas de ingresos e gastos. O borrador de presuposto será elaborado polo tesorero da asociación, que deberá de telo preparado antes do un de Setembro de cada ano, co fin de que poida ser aprobado na Asemblea Xeral Ordinaria.

Artigo 33°.-

A asociación manterase dos seguintes recursos:

1. As cotas periódicas dos/as asociados/as.
2. As cotas extraordinarias que propoña a Xunta Directiva e sexan aprobadas pola asemblea.
3. As doazóns ou subvencións que poidan conceder órganos públicos, entidades privadas ou particulares.
4. Os ingresos que se poidan recibir polo desenvolvemento das actividades da asociación.
5. Calquera outro ingreso admitido pola normativa vixente para actividades non lucrativas.

Artigo 34°.-

A Asemblea Xeral Ordinaria, a proposta da Xunta Directiva, aprobará tanto as cotas ordinarias como as extraordinarias que só serán reintegrables en casos xustificadas e sempre que a Xunta directiva así o acorde O recadado dedicarase a atender as necesidades da asociación.

Artigo 35°.-


Anualmente con referencia ó último día do exercicio económico de cada ano, elaboraranse as contas, que se formalizarán nunha memoria, que será posta a disposición dos/as asociados/as, durante un prazo non inferior a 15 días ó sinalado para a celebración da Asemblea Xeral Ordinaria, que deberá aprobalas ou censuralas.

Artigo 36°.-

Para a disposición de fondos das contas que a asociación ten nas entidades bancarias será necesaria a sinatura conxunta do presidente e do tesorero.

Artigo 37°.-

Como entidade sen ánimo de lucro, en ningún caso poderán ser distribuídos entre os/as asociados/as os recursos obtidos pola asociación.



CAPÍTULO V DO REGULAMENTO DE RÉXIME INTERNO

Artigo 38°.-

O regulamento de réxime interno, no seu caso, desenvolverá aquelas materias non contempladas directamente nos presentes estatutos, como o procedemento de elección dos membros da Xunta Directiva e o procedemento disciplinario, non podendo ir en ningún caso en contra do estipulado neles. En todo caso, o funcionamento interno da asociación estará sometido ó ordenamento xurisdiccional civil.

CAPÍTULO VI MODIFICACIÓN DE ESTATUTOS E DISOLUCIÓN DA ASOCIACIÓN

Artigo 39°.-

Os presentes estatutos só poderán ser modificados por acordo da Asemblea Xeral Extraordinaria convocada para tal efecto, adoptado polas 2/3 partes dos asociados. A proposta de convocatoria deberá ir acompañada do texto das modificacións propostas.

Artigo 40°.-

A asociación disolverase voluntariamente por acordo dos asociados adoptado polas 2/3 partes dos asistentes á Asemblea Xeral Extraordinaria convocada para tal efecto.

Artigo 41°.-

Acordada a disolución, a Asemblea Xeral extraordinaria designará tres asociados/as liquidadores, que xunto o/a presidente e o/a tesoureiro/a, procederán a efectuar a liquidación dos bens, pagando débedas, cobrando créditos e fixando o haber líquido resultante.

Artigo 42°.-

O haber resultante unha vez efectuada a liquidación, destinarase a fins educativos e existenciais en beneficio dos fillos dos asociados mais necesitados economicamente e que pertencen ó colexio.

O xustificante da doazón será presentado no Rexisto de Asociacións correspondente para proceder á inscrición da disolución da asociación.

XUNTA DE GALICIA
CONSELLERÍA DE XUSTIZA
INTERIOR E ADMINISTRACIÓN LOCAL
MODIFICACIÓN DE ESTATUTOS
Inscrita a modificación por resolución do 30.12.2004
ós sos efectos de publicidade de conformidade co
artigo 22 da constitución e artigo 16 da L.O. 1/2002.
PONTEVEDRA, 30 de DIC 2004
O DELEGADO PROVINCIAL

